



Լևոն Խեչոյան

Թիթեղյա տուփով կոնֆետներ

Երեկոյան ժամերին Ախալքալաքից եկող ավտոբուսը ժամանեց:
Վերադարձողները ցրվեցին տները: Մենք, աչքներս դարոցի պատի տակ
կանգնած մուշտակավոր կնոջը, սահում էինք դիքից ու սահում: Իրար հրմշտելով
ու քաշքշելով մոտեցանք: Նրանից դաշտային ծաղիկների բույր ունեցող
օժանելիքի հոտ էր գալիս: Սապոզների ամուր քթերը խփում էինք սառցակալած
ճանապարհին ու ձյունը շաղ տալիս միմյանց դեմքերին: Նա ասաց, որ կվճարի,
եթե օգնենք նրան ճամպրուկները տանել հարեւան գյուղ: Լեզուն մի թեթեւ
սահեցրեց ներքեւի շրթունքի վրայով ու գորշագույն շրթներկը խոնավացավ:
Ժպտուն աչքերով պատասխանի էր սպասում: Մենք այդպիսի կին
Ախալքալաքում էլ չէինք տեսել, միայն ֆիլմերում ու հեռու քաղաքներից
արձակուրդներից տուն եկած ուսանողներից էինք լսել նրանց գայթակղիչ
գեղեցկության մասին: Ճամպրուկները շատ ծանր էին, խփվում էին մեր ոտներին,
ու խճճվում էինք մեր քայլերի մեջ: Ռեվազը նրա աջ կողմից էր քայլում, ես՝ ձախ:
Հանդարտ, մանր ձյուն էր գալիս ու նրա ընձենուց մուշտակին փոված հարթ
մագերի վրա հալվում: Ինստիտուտներից արձակուրդ վերադարձած տղաները
պատմում էին, որ այդ կանայք օր ու գիշեր ռեստորաններում ու հյուրանոցներում
քեֆ են քաշում, որ ընդհանրապես քաղաքի կանայք այդպիսին են: Ու նրանցից
լսած պատմությունները մեզ հետ գիշերում էին մեր տաքուկ անկողիններում,
բայց նրանց գինի հյուրասիրող տղամարդը միշտ մենք էինք լինում:

Երբ արդեն գյուղից դուրս էինք եկել ասավ . «Ձեզ նեղություն չէի տա, բայց
հիվանդանոցից նոր եմ դուրս եկել . կույր աղիքս են հեռացրել, անհոգ եղեք փողն
անպայման կտամ»:

Ասինք՝ փող պետք չէ, էն բանից ենք ուզում: Ասավ . «Ինչի՞ց...»: Ու անմիջապես կասկածոտ լոեց, որովհետեւ մի քանի քայլ ետ էինք մնացել ու սապոզների քթով ձյունը փորփրելով էինք գնում: Հանդարտ իջնող ձյունը չէր կարողանում ցրել նրանից եկող դաշտային ծաղիկների հոտ ունեցող օծանելիքի բույրը: Նա կանգնեց, հետո շրջվեց, մի քայլ դեպի մեզ եկավ, մեր աչքերի մեջ նայելով ասավ . «Ինչից, ես ավելի լավ բան չունեմ, ազնիվ խոսք, հավաստացեք, տղաներ»: Ռեվազը առաջ անցավ ու առանց ետ նայելու . «Ունես», ասավ: Գլուխս ետ գցած ձյան փաթիլներն էի որոնում բերանով, ասի . «Ունես»:

Ձեռքը ընձենուց մուշտակի թեփից հանեց, բարակ ու նուրբ մատը այտին դրեց, մտածկոտ ու ժպտուն նայեց . «Ախր ինչ եք ուզում, որ գլխի չեմ ընկնում, կարգին ասեք, հասկանամ»: Հետեվից դժվարությամբ էինք հասնում, ճամպրուկները հարում էի սրունքներս եւ խճճվում էինք մեր երթի մեջ: Ասինք . «Անոթ է»: «Ախր մարդ եք գժվեցնում, կարգին ասեք բան հասկանամ»: Ասինք . «Բոլոր կանայք էլ ունեն»: Ռեվազը կանգնած եղունգներն էր կրծում: Ոտքով ձյուն էր հավաքում ու մի հարվածով կրկին շաղ տալիս, զգացի, որ ճամպրուկից այդ նույն օծանելիքի հոտն է գալիս:

Աշխատում էինք ետ չմնալ, կողքերից նրան համաշափ քայլել: «Ուրեմն ձեր ուզածը յուրկա է, գլխներիդ պիտի քաշեք, ինչ է: Չորս կիլոմետր էլ չի մնացել, դա ինչ է, որ չեք ուզում օգնել»:

Դիմացի սարի լանջին կոլտնտեսության շներն էին թափառում, ասինք . «Որ համաձայն չես, մենք էլ ետ կդառնանք: Վայ թե կողքի ձորում էլ վայրի կատուներ էլ լինեն»: «Չէ, չեմ հասկանում: Ուզածներիցդ ձեր քույրերն ունե՞ն»: Ռեվազը սղոսլով առաջ անցավ: Ճամպրուկը ծանրացավ ու ինձ սայթաքեցնում էր: Դաշտի ծաղիկների բույր ունեցող օծանելիքի հոտը այնքան մոտիկից էր գալիս, ասի . «Հա», ու լեզվով ձյան փաթիլներն էի որսում, Ռեվազը հագում էր:

Ձեր մայրերն ունե՞ն դրանից:

Լսեցինք, որ ձյունը ճոճում էր մեր ոտների տակ: Ու նրա չոր ճոճոցի մեջ վիրավորանք կար: Չքանդվող լռության մեջ մի կիլոմետրից ավելի էինք քայլել: Ճանապարհի եզրերից բոով ձյուն էինք վերցնում ու խոթում բերաններս:

Ճամայրուկները ձեռքից ձեռք փոխանցելով սահում էինք: Նրան հազիվ էինք հասնում, իսկ ձյունը նրա վարսերին հավում էր կաթիլ կաթիլ: Ժպտալիս այտի փոսիկը ջրապտույտի նման ձգվում էր ու կլանում, մտածեցի, որ Ռեվազը, հավանաբար, այդ փոսիկը նկատել է ու կհամբուրի այն, դեռ դիքից սահելիս պայմանավորվել էինք, որ սկզբից կինը նրանն է լինելու:

Մտքիս մեջ «հա» ասի, Ռեվազն էլ մտքում այդպես ասավ, դա մատնում էր նրան ոտքերի տակ ճոճացող ձյունը: Ասինք . «Հա»:

Բա ինչո՞ւ նրանցից չեք ուզում:

Կծեծեն:

Ճամայրուկները ծանր էին, քրտնել էինք ու ձյուն էինք լցնում ծոցներս: Ասավ . «Երեւի ութերորդ կլինեք, ես էլ ութերին եմ դաս տալիս»: Չասինք, որ գուշակեց: Ռեվազը ասավ , ինքը ավարտել է, ընդունելության քննությունների ժամանակ քաղաքի հյուրանոցում է մնացել ու ռեստորան հաճախել: Ասավ . «Դա էլ տասում է սովորում»: Նրա կասկածոտ հայացքը ցրելու համար անհոգ ձեւացա ու ատամներիս արանքից թքեցի, առանց շտապելու, թափվող ձյան տակ վարպետորեն վառեցի ծխախոտս: Հետո նստեցինք ճամայրուկներին ու էլ չէինք ուզում գնալ:

Ասավ . «Այդպիսի գործերը ձմռանը չեն անում, միայն գարնանը», երեւի մենք դրանից չենք էլ հասկանում: Նորից գնացինք՝ հետեւից ճամայրուկները քաշեքաշ տալով: Պատմեցի, որ մենք անատոմիայից անցել ենք ու այնտեղ մի նկար կա, որ աղջիկները այդ թերթը միշտ ծալում են: Ռեվազը ասավ, որ իր տեսած բոլոր ֆիլմերում այդ գործը ձմռանն էլ է եղել: Եթե համաձայն չէ, մենք ետ կդառնանք: Նա այնքան մոտիկ էր, որ նրա տաք շունչը մեր սառած այտերն էր տաքացնում: Հետո մեր հետեւից գոռաց, մենք ետ եկանք ու կրկին ճամայրուկները վերցրինք: Նա մեզանից մի քիչ առաջ անցավ ու ասավ . «Ախր պիտի հասկանաք, ծանրությունից կարող է վիրահատած վերքը բացվել»: Գլուխս ետ գցած՝ լեզվով ձյան փաթիլներ էի որսում: Ճամայրուկները դրել էինք: Հետո ուսը գցած պայուսակից խոստացած փողը՝ յոթանասուն կոպեկը հանեց, տվեց ինձ ու հավելում՝ սկավառակի ձեւ ունեցող թիթեղյա տուփով կոնֆետներ՝ Ռեվազին:

Ասավ . «Տեսեք, որ չեմ խաբել»: Նա հիմա ավելի արագ էր քայլում, ու մենք հագիվ էինք հասնում: Ասինք, որ այդպես է, գոնե թող պատմի, թե դա ոնց է լինում սկզբից, լույսը մարելուց մինչև վերջ, բոլոր մանրամասնություններով: Առանց ետ նայելու ասավ . «Գժվեցի, Աստված իմ, ախր անհնար է»: Լռությունը երկարում ու երկարում էր, մենք սպասում էինք, նա քայլում էր առանց ետ նայելու: Մեր թիկունքում լավեց նրա հնայիչ ճիչը . «Ետ դարձեք, պատմելու եմ...»:

Տուն էինք վերադառնում իրար ձեռք բռնած, ձյուն էինք շարտում մեկմեկու դեմքի: Հետո սկսեցինք վազել-վազել ու սահել: Նրա սարսափած ճիչը մի անգամ էլ հեռվում հասցրեց բռնել մեզ: Մթնոտ, ձմեռային երեկոյի մեջ հանդարտ ու մանր ձյուն էր գալիս: Ռեվազը կոնֆետը տվեց ինձ, տուփը իրեն վերցրեց: Ասավ՝ քրոջն է տալու, որ մեջը կոճակ լցնի: Կոնֆետի թիթեղյա տուփից ծանոթ օձանելիքի՝ դաշտերի ու ծաղիկների բույրն էր գալիս: Երեւի նա խաբեց, թե տուփը քրոջն է տալու: